



O'ZBEKISTON OVOZI

Shu aziz VATAN — barchamizniki!

2015-yil, 24-fevral, Seshanba • 22 (31.925)

Ijtimoiy-siyosiy gazeta

1918-yil 21-iyundan chiqa boshlagan

www.uzbekistonovozi.uz

ЁШЛАР ФИКРИ

«Мен Президент сайловида илк бор қатнашаман»



Санабар ШОТЎЛАГАНОВ олган сурат.

Шу кунларда мамлакатимизнинг барча ҳудудларида муҳим воқеа — Ўзбекистон Республикаси Президенти сайловига катта ҳозирлик кўрилмоқда. Қонунга мувофиқ 18 ёшга тўлган фуқаролар Президент сайловида қатнашиш ҳуқуқига эга.

Хўш, Президент сайловида биринчи марта қатнашадиган ёшлар мазкур муҳим воқеанинг масъулиятини қандай тасаввур қилмоқда? Улар юртимизда кечаётган сайлов билан боғлиқ жараёнлардан қай даражада хабардор?

2

САЙЛОВ — 2015

21 февраль куни Жиззах сайловчилар Ўзбекистон Республикаси Президентлигига Ўзбекистон Халқ демократик партиясидан номзод Хотамжон Кетмонов билан учрашдилар.

ПРЕЗИДЕНТЛИККА НОМЗОДНИНГ САЙЛОВЧИЛАР БИЛАН УЧРАШУВИ

самимий руҳда, очик мулоқот тарзида ўтди

Учрашувни Ўзбекистон Республикаси Президентлигига сайлов ўтказувчи 4-Жиззах округ сайлов комиссияси раиси Абдумажид Сатторов очди ва Ўзбекистон Республикаси Президенти сайлови мамлакатимизда демократик ислохотлар янада чуқурлашаётган, фуқаролик жамиятини ривожлантириш йўлидаги янгиланишлар муҳим босқичга кўтарилаётган паллада ўтаётганига алоҳида эътибор қаратди.

Президентликка номзоднинг ишончли вакили, ЎзХДП Жиззах вилоят кенгаши раиси Мўтабар Каримова учрашув қатнашчиларини номзоднинг таржимаи ҳоли билан таништирди.

Учрашувда Хотамжон Кетмонов ўзининг сайловолди дастури юзасидан маъруза қилди.

2

ЎЗХДП ҚАБУЛ ҚИЛИНАЁТГАН ҚОНУНЛАР ВА БОШҚА ҚОНУНЧИЛИК ҲУҶЖАТЛАРИ, ДАВЛАТ БОШҚАРУВИ ОРГАНЛАРИ ФАОЛИЯТИ НАТИЖАЛАРИНИ ОШҚОРА ВА КОНСТРУКТИВ МУҶОКАМА ЭТИШДА ФУҚАРОЛИК ЖАМИЯТИ ИНСТИТУТЛАРИ ИШТИРОКИ АМАЛИЁТИНИ ИЗЧИЛ РИВОЖЛАНТИРИШНИ ТАЪМИНЛАШ, ЭЛЕКТОРАТ МАНФААТЛАРИГА АЛОҚАДОР ДОЛЗАРЪ ИҚТИСОДИЙ ВА ИЖТИМОЙ ВАЗИФАЛАР ҲАЛ ЭТИЛИШИГА ТАЪСИР КЎРСАТИШ МАСАЛАЛАРИДА СИЁСИЙ ПАРТИЯЛАР ВА УЛАРНИНГ ДЕПУТАТЛИК БИРЛАШМАЛАРИ ҲУҚУҚ ВА ВАКОЛАТЛАРИНИ ЯНАДА ОШИРИШ БЎЙИЧА ЧОРАЛАР КЎРИШ ТАРАФДОРИДИР.

Марказий сайлов комиссиясида учрашув

Кеча Марказий сайлов комиссиясида Европада Хавфсизлик ва ҳамкорлик ташкилотининг (ЕХХТ) Демократик институтлар ва инсон ҳуқуқлари бўйича бюроси (ДИИХБ)нинг мамлакатимизга ташриф буюрган кузатувчилари миссияси асосий гуруҳи аъзолари билан учрашув бўлиб ўтди. Миссияни Каэтана Де Зулуета бошқармоқда.

Марказий сайлов комиссияси раиси ўринбосари Комилжон Адилов мехмонларга мамлакатимизда сайлов кампанияси бориши ҳақида сўзлаб берди. Хусусан, мехмонлар Марказий сайлов комиссияси томонидан тасдиқланган Ўзбекистон Республикаси Президенти сайловига тайёргарлик кўриш ва уни ўтказиш бўйича асосий тадбирлар дастури амалга оширилиши билан таништирилди. Қайд этилганидек, Марказий округ ва участка сайлов комиссиялари ўз фаолиятида сайлов кампаниясининг барча босқичларида қонунийлик, ошкоралик ва транспарентлик принципларига қатъий риоя этилишига алоҳида эътибор қаратади.

ЕХХТ Демократик институтлар ва инсон ҳуқуқлари бўйича бюроси миссияси аъзолари фаолиятини, унинг Ўзбекистонда сайловни кузатиш бўйича Марказий сайлов комиссияси билан ўзаро ҳамкорлигини ташкил этиш масалалари хусусида атрофлича фикр алмашилди.

Учрашувда Ўзбекистон Республикаси Конституцияси 117-моддасига киритилган тузатишларга мувофиқ сайловга тайёргарлик кўриш ва уни

ўтказиш учун масъул конституциявий орган сифатида Марказий сайлов комиссияси мустақиллигининг ҳуқуқий кафолатлари сезиларли равишда мустаҳкамлангани, мустақиллик, қонунийлик, коллегиялик, ошкоралик, адолатлик комиссия фаолиятининг асосий принциплари экани тасдиқланди. Ўзбекистон Республикасининг Маъмурий жавобгарлик тўғрисидаги кодексига киритилган қўшимчаларга биноан сайлов жараёнига жалб этилган жисмоний ва юридик шахсларнинг сайлов қонунчилигига риоя этиши, Марказий сайлов комиссияси қарорларини сўзсиз бажариш бўйича жавобгарлиги кучайтирилгани алоҳида қайд этилди.

Учрашувда томонлар ЕХХТ Демократик институтлар ва инсон ҳуқуқлари бўйича бюроси миссияси аъзолари фаолияти сайлов жараёни очилиши ва ошкоралигини таъминлаш, уни халқаро стандарт ва нормаларга мувофиқ ташкил этишга кўмаклашишига ишонч билдиришди.

Каэтана Де Зулуета қайд этишича, миссия сайловларни Ўзбекистон қонунчилигида кўзда тутилган муддат ва тартибларга мувофиқ, узок муд-

датли асосда кузатади. Бу кузатув номзодлар сайловолди ташвиқотини қандай олиб бораётгани, оммавий ахборот воситалари сайловчиларни сайлов жараёнининг бориши ҳақида қандай хабардор қилаётганини ўз ичига олади. Миссия аъзолари мамлакатнинг бир қатор ҳудудларига ташриф буюриб, сайлов комиссиялари фаолияти билан танишди.

«Ўзбекистон Республикаси Президенти сайлови тўғрисида»ги қонуннинг 5-моддасига мувофиқ сайловга тайёргарлик кўриш ва уни ўтказишга доир барча тадбирларда, шунингдек, сайлов кунини овоз бериш хоналарида ва овозларни санаб чиқишда Ўзбекистон Республикаси Президентлигига номзодлар кўрсатган сиёсий партиялардан биттадан кузатувчи, оммавий ахборот воситалари вакиллари, бошқа давлатлар, халқаро ташкилотлар ва ҳаракатлардан кузатувчилар қатнашиш ҳуқуқига эга. Уларнинг ваколатлари Марказий сайлов комиссияси томонидан белгиланган намунадаги мандатлар билан тасдиқланган бўлиши керак. Ушбу ҳужжат кузатувчига Марказий сайлов комиссияси мажлисларида қатнашиш ҳуқуқини беради. Марказий сайлов комиссиясининг мажлислари очик ва ошқора ўтказилади.

Ўзбекистон Республикаси Президенти сайловини ёритиш бўйича Республика матбуот маркази.

Ўзбекистон Республикаси Президенти САЙЛОВИ — 2015



29 МАРТ

33

КУН ҚОЛДИ



КУЧЛИ ИЖТИМОЙ ХИМОЯ — АСОСИЙ МАҚСАДИМИЗ!

2015 йил 29 март, якшанба — Ўзбекистон Республикаси Президенти сайлови куни

Ўзбекистон Халқ демократик партиясидан номзод Хотамжон Кетмоновга овоз беринг!



ТОШКЕНТ ВИЛОЯТИ

Тошкент вилоят округ сайлов комиссиясининг навбатдаги йиғилишида сайловга тайёргарлик ишларининг бориши билан боғлиқ масала атрофлича муҳокама этилди. Унда округ сайлов комиссияси аъзолари, «Маҳалла» хайрия жамоат фонди вилоят бўлими, «Камолот» ёшлар ижтимоий ҳаракати вилоят кенгаши ҳамда оммавий ахборот воситалари вакиллари иштирок этди.

Муҳим сиёсий тадбирнинг қонун талаблари асосида ўтишини таъминлашда округ ва участка сайлов комиссиялари муҳим ўрин тутди, — дейди 10-Тошкент вилоят округ сайлов комиссияси раиси Нурмухаммад Абдуллаев. — Шу боис участка сайлов комиссияси аъзоларининг билим ва кўникмаларини янада ошириш масаласига катта эътибор қаратишмоқда. Семинарлар ташкил қилиб, уларни миллий сайлов қонунчилигимиз билан яқиндан таништириб бораёلمиз.

Округ сайлов комиссиясининг йиғилишида тегишли ташкилотлар вакиллари сайлов участкаларида Ўзбекистон Республикаси Президенти сайловига тайёргарлик кўриш ва уни ўтказиш бўйича амалга оширилаётган ишлари хусусидаги ахборотлари тингланди.

НАВОИЙ

Ўзбекистон Республикаси Президенти сайловини ўтказувчи 5-Навоий вилоят округ сайлов комиссияси томонидан сайловни юқори савияда ташкил этиш юзасидан пухта тайёргарлик кўрилмоқда.

Сайлов участкалари миллий сайлов қонунчилигимизга оид сиёсий адабиётлар, кўргазмали кураоллар ва энг сўнгги ахборот технологиялари билан тўлиқ таъминланди, — дейди округ сайлов комиссияси котиби Хусниддин Аҳмедов. — Бу сайловчиларнинг сиёсий-ҳуқуқий онгини янада юксалтиришга хизмат қилади, деб ўйлайман.

Сайловга тайёргарлик кўриш билан боғлиқ барча тадбирлар миллий қонунчилигимиз талаблари ва Марказий сайлов комиссияси томонидан тасдиқланган чора-тадбирлар дастури асосида изчил олиб боришмоқда. Бунинг учун округ сайлов комиссиясининг иш режаси, аъзоларининг вазибалар тақсироти ишлаб чиқилди. Шунингдек, сайлов участкаларида доимий навбатчиликлар ташкил қилинган.

НАМАНГАН

Наманган вилоятида Президент сайловини ўтказишга пухта тайёргарлик кўрилмоқда. Жумладан, ҳар бир сайлов участкаси сайловчиларга қулай ва яқин бўлган биноларда жойлаштирилиб, зарур шарт-шароитлар яратилиб, замонавий алоқа воситалари билан тўлиқ жиҳозланди.

Бизнинг сайлов участкамизда 3 мингдан ортиқ сайловчи бор, дейди — Наманган шаҳридаги 114-участка сайлов комиссияси раиси Феруза Рамазонова. — Уларнинг маълум қисми Президент сайловида илк бор иштирок этди. Шу боис ёшларнинг муҳим сиёсий тадбир ҳақидаги тушунчаларини янада бойитиш, сайловда фаол иштирок этишнинг аҳамиятига оид тарғибот-тушунтириш тадбирлари ўтказилмоқда. Участкамизда оналар ва болалар хонаси ташкил қилинди. Шунингдек, тиббиёт хонасига ҳам зарур асбоб-ускуналар ўрнатилиб, биринчи ёрдам кўрсатиш учун шай қилиб қўйилди.

Наманган вилоят округ сайлов комиссиясининг шаҳар ва туманларга бириктирилган аъзолари бутун округ ҳудудида «Ўзбекистон Республикаси Президенти сайлови тўғрисида»ги Қонун талабларига тўла риоя қилинишига алоҳида эътибор беришмоқда.

Аҳмад ЮСУПОВ тайёрлади.

Сайловга тайёргарлик ишлари тўғрисида таҳририятимизга хабар қилсангиз, миннатдор бўламиз. Тел.: (0-371) 233-10-13, 233-65-45. info@uzbekistonovozi.uz

«Ўзбекистон овози» газетаси сайтида ва навбатдаги сонларида:



Мамлакатимиздаги ҳар бир инсон ҳаётдан рози бўлиб яшаши керак



Халқ депутатлари маҳаллий Кенгашларидаги ЎзХДП гуруҳлари берилган ваколат ва имкониятлардан қай даражада фойдаланмоқда?

